

# 'Perigi' misteri ancaman keselamatan pengunjung

**TANJUNGBUNGAH**-Pengunjung Pantai Tanjung Bungah di sini, bimbang dengan keselamatan mereka gara-gara wujudnya lubang misteri seakan perigi di situ.

Pengunjung, Azlina Mohd Masdi, 24, berkata, dia dan suaminya begitu takut membiarkan anak mereka bermain sendirian ketika berkunjung ke pantai berkenaan.

Menurutnya, lubang itu mengalirkan air sepanjang masa tanpa henti.

"Airnya memang kotor dan saya rasa keadaannya agak dalam, memang aneh jika pihak bertanggungjawab membiarkan saja lubang ini tanpa ditutup. Paling berbahaya apabila kanak-kanak bermain di kawasan sekitar, papan tanda larangan juga tidak dipasang," katanya.

Seorang pelancong dari Arab Saudi yang enggan dikenali berkata, dia menetap di hotel berhampiran dengan pantai tersebut.

"Pada awalnya memang saya nak mandi dengan anak-anak di sini, tapi bila lihat ada air kotor mengalir dari lu-



**Lubang seakan perigi ini mengeluarkan air berwarna hijau kegelapan tanpa henti ke arah laut.**

bang itu menghala ke laut, terus kami batalkan hasrat untuk mandi di sini.

"Saya kecewa kerana ini tempat awam dan orang bertanggungjawab hanya biarkan sahaja," katanya.

Sementara itu, Pengerusi badan bukan kerajaan (NGO) Pantai, Saiful

Lizan Yusof berkata, pihaknya sudah berkali-kali mengusulkan isu berkenaan tetapi tidak dipedulikan.

Beliau berkata, keadaan akan lebih teruk pada waktu hujan kerana limpahan air akan mengalir dari lubang tersebut.